

11
Phez y J. Urbani / Deculo,
gus rom Zu Pünst Wigon
Concilio in Mantua,
Wittenberg. 1537.

Abbat





AB 67 2/2

AB 67 2/2

112
130



Bekehrung an die
Heilige Römische
Kirche.



MDXXXVII

Beelzebub an die Heilige
Pepstliche Kirche.

Wir Beelzebub
Fürst aller Teuffel/
gewaltiger Herr vnd
regent ober alle Kin-
der des vnglaubens/
Entbieten/ Papst /
Cardineln / Bisschöuen vnd allen der
Pepstlichen Kirchen/ geliedern/ vnsern
getrewen vnterthanen/ Vnsern gantz
freundlichen grus.

Nach dem wir mit allen vnsern En-
geln/ Fürsten vnd grosser macht ausge-
reiset sind/ wider die verzweuelten böse
wichter vnd verstorere vnser Reichs/ die
newen Galileer/ genand die Lutheris-
schen ketter/ haben wir euch/ als vnsern
trewen statthaltern vnd hindergelasse-
nen Ketzen gar ernstlich befolhen/ das
jr nach vnserm empfangenen befelh/ du
Papst zu Rom / sampt deinen Gardi-
neln/

nelen / vnd jr andere Biffchone / famp
den ewern / follet die weil trewlich haus
halten / vnd vnser Reich bessern. Dem
lich / das jr keinen soltet Cardinal ma
chen / noch bleiben lassen / oder jrgend
jnn einen hohen geistlichen stand fod
dern / Er sey denn jnn vnserm dienst /
wol geübet vnd erfahren / das wir hoffen
mögen / er werde trewlich helffen / wider
die newen Galileer / toben vnd wüten /
Vnd zuuoraus / das Papst vnd Cardi
nal ja nicht vnter sich den ehestand lei
den / auch keines natürlichen brauch
der weiber achten / Sondern sich vleisig
oben / vnd bleiben jnn der Bepstlichen
vnd Cardinalischen keuscheit / vnd mei
den der Galileer keuscheit / wie bisher
wolangefangen vnd noch geschicht /
Auch das er ein hertz mit geitz durchtrie
ben habe / den keiner wellt gut settigen
mögen / der ober aus wol liegen / trie
gen / falsch schweren / rauben / stelen / mor
den / vergifften / schinden / schezen / Reiser
vnd Könige verraten / land vnd leute

A ij

ver

verführen vnd verderben müge. Fur
allen dingen aber / das jr ja nichts
halt vom künfftigen leben / es heisse der
himmel oder die helle / Lasse sich solchs die
narren predigt der Galileer nicht bere-
den / Sondern spotte vnd verlache / al-
les was er dauon höret / Denn solche
narrenteidige machen den leuten nicht
bonum wultum / sondern angst vnd sor-
ge / traurigkeit vnd viel leides / Auch so
stehets euch / als den nehesten vnsern
dienern / Papst vnd Cardineln / nicht
wol an / solche narren teidigen zu glau-
ben / die da mit viel hoher weisheit durch
vns begabet vnd geziert sind / denn das
sie solcher narren vnd Galileer ge-
schwetz solten glauben. Solchs vnd der-
gleichen / haben wir euch trewlich zu trei-
ben befolhet.

Da wir aber mit ihm das werck fo-
men / viel schlachten gethan / vnd der sel-
ben kuben / mit feur / schwerd / wasser
vnd allerley plage / viel vmbgebracht
vnd mit auffrur / secten / rotten vnd an-
dern

der in unsern rustungen fast seher gedemütigt hatten / das wir uns ganz gewislich verfahren / der sieg vnd triumph solt inn zwey oder drey jaren unser sein / So kompt uns glaubliches gerüchts vnd nicht verechtlichs geschreies zeitung zu / wie das du Papst zu Rom soltest fürgenomen haben / deinen Bepstlichen hoff / unser haubtschles vnd residenz / zu reformiren vnd die ganze stad Rom von uns wendig vnd abfellig zu machen / des wir zum ersten höchlich bewegt vnd billich erzurnet sind / vnd uns beschwerlich fursellet / das / die weil wir abwesend / für auch vñ alle die eruern so hefftiglich / wider die genanten Galileer die Lutherischen an allen orten streiten / euch vnd uns zu schützen / jr selbs soltet verreterlich hinder unsern wissen vnd willen / auch Galileisch vnd Lutherisch werden / Vnd wo wir uns nicht unsern grossen Götlichen macht vnd recht / so wir gar gewislich ober euch haben / hetten wissen zu trösten / solten wol durch

A iij solch

solch gros geschrey vnd gerücht vnser
Fürsten vnd herrvolck / so im teglichen
streit erbeiten/verzagt worden sein.

Aber da vnser getrewer Legatus
Natus Belial/ zu vns ins feld lager
kam vnd anzeigt/wie das jr solch refor=
mation/gar nicht mit ernst hettet furge=
nomen/als wir vns denn allzeit zu euch
gar gnediglich versehen haben / Son=
dern/ das jr damit / den Kēnigen vnd
aller welt eine nasen drehen/vnd den
Deudschen narren pferddreck fur fei=
gen jns maul gauckeln wollet / sind
wirs zimlich zu frieden gewesen/versehen
vns auch/dem sey also / Vnd begeren
dem nach/jr wollet also fort faren / vnd
vnser Hofes weise/wie bisher/trewlich
halten/denn jr wisset/ das wir der Sa=
lileer vnd Lutherischen Gott / so jmer
dar wil die warheit vnd gerechtigkeit ha=
ben / nicht leiden können / Wo jr aber
würdet mit ernst solch Reformation
furnemen/habt jr zubedencken/das wir
dadurch

Dadurch verursacht würden gegen euch
nicht geringern ernst zu gebrauchen /
denn wider die Lutherischen / vnd solten
wir gleich Rom selbst / so auff vnser Hel-
len gebawet stehet / abbrechen vnd inn
die helle lassen regen vnd schneyen / feur
vnd schwebel / vnd allen zorn des Gali-
leers / Wir hoffen aber / vnd so viel vn-
ser Göttliche macht vnd recht bey euch
gilt / jr werdet bey vnser vnd ewr alten
gewonheit bleiben / Vnd vnsern feind /
den leidigen / anechtigen Galileer / auff
den die giffrigen Lutherischen buben
pochen / nicht einreumen / auch nicht ein-
harbreit / Solchs haben wir euch gne-
diger meinung nicht wollen verhalten /
Vnd verhoffen / wenn wir noch ein vn-
glück oder zwey / wider die Galileer an-
gericht haben / wollen wir wider heim-
fomen zu euch inn vnser residenz / Vnd
mit euch ins Concilium gen Mantua zi-
hen / daselbs euch treulich eingeben / bey-
stehen vnd helffen / mit aller macht / den
Galileer mit seinen Lutherischen aus-
zurotten

rotten vnd zu vertilgen / damit vnser
reich von solchen ungehorsamen / auff-
rührischen / vnruhigen buben erledigt/
widder inn seine rechte ruge bracht wer-
de. Sonderlich weil wir durch vnser
geschworne Engel erkundet haben / das
der Geist des Galileers / welcher sich
vns zu grosser schmach vnd verdries/
den guten Heiligen geist rhümet / vnd
vns fur böse geister inn der welt aus-
treget / inn obgenantes Concilium zu
Mantua schlechts nicht komen / auch ni-
chts damit zuschaffen / noch dauon wis-
sen / wil / das wir wol raum vnd stet ha-
ben / zumachen / was vnser gefallens
ist. Geben inn vnserm Feldlager / so wir
haben allenthalben wider den leidi-
gen Galileer. Anno vnser
Reichs. 5429.


AB 67 ^g/_{g, 2}

X 219 9476

TA → OL



Bekehrung an die
Heilige Römische
Kirche.



MDXXXVII